

Prijava ideja za program Festivala srednjoškolskog kratkog filma se može izvršiti isključivo u skladu s prihvaćanjem odredbi Pravilnika Festivala srednjoškolskog kratkog filma za prijavu ideja kao i uz ispunjavanje Uvjeta za prijavljivanje ideja.

ORGANIZATORI

British Council Bosna i Hercegovina, u suradnji sa Srednjom školom primijenjenih umjetnosti Sarajevo, je organizator Festivala srednjoškolskog kratkog filma Sarajevo. Festival srednjoškolskog kratkog filma Sarajevo je događaj koji će se održati u prostorijama kina Meeting Point, te na ostalim lokacijama u Sarajevu. Financijsku pomoć Festivalu osigurava Europska unija u sklopu projekta „Sarajevo 2014“.

CILJEVI

Festival srednjoškolskog kratkog filma Sarajevo će doprinijeti razvoju srednjoškolskog kreativnog stvaralaštva, te unaprjeđenju vještina, kritičke misli i tradicionalnog obrazovnog programa za učenike i nastavnike srednjih škola iz Bosne i Hercegovine. Poziv za prijave ideja za film koje obrađuju teme iz školskog programa otvoren je isključivo za srednje škole iz Bosne i Hercegovine. Učenik-redatelj, zajedno s jednim nastavnikom, može se prijaviti do 12:00h, 18. marta 2015. godine s idejom za kratki film. Nakon odabira 15 najuspješnijih ideja, odabrani će usko raditi s filmskim stručnjakom na razvoju ideja i produkciji kratkog filma. Sudionici će se krajem aprila 2015. godine skupiti u Sarajevu, gdje će sudjelovati na radionicama, diskusijama i druženju s kolegama, prikazati svoje filmove publici u kinu Meeting Point, te se natjecati za vrijedne novčane i druge nagrade za najbolje filmove. Nakon festivala, filmovi će se dostaviti srednjim školama širom Bosne i Hercegovine; uz filmove, nastavnici će dobiti i audiovizualni priručnik za korištenje filma u obrazovne svrhe.

Član 1.

1. Festival srednjoškolskog kratkog filma Sarajevo će se održati u Sarajevu 25. aprila 2015. godine.

Član 2.

Organizator Festivala srednjoškolskog kratkog filma Sarajevo bira i poziva ideje na sudjelovanje u programu Festivala.

Član 3.

Nakon prihvaćanja poziva za sudjelovanje na Festivalu, Sudionik je obavezan:

1. Raditi na razvoju ideje u skladu s programom koji je predvidio Organizator
2. Producirati, uz podršku organizatora, kratki film na osnovu prijavljene ideje
3. Dostaviti kratki film Organizatoru najkasnije do 20. aprila 2015.
4. Sudjelovati na svim aktivnostima Festivala u Sarajevu, 25. aprila 2015.

Član 4.

Nakon odabira ideja, prihvaćanja poziva za sudjelovanje na Festivalu, te produkcije filma, film se ne može povući sa Festivala.

Član 5.

Ukoliko ne postoje posebne odredbe, sve prijave se moraju predati do 18. marta 2015. godine do 12:00. Sve prijave primljene poslije naznačenog roka neće biti uzete u razmatranje. Sve prijave se šalju putem online aplikacije dostupne na web stranici www.britishcouncil.ba/ srednjoskolski-

festival-kratkog-filma-prijava. Ideje će biti birane po sljedećim kriterijima: odgovor na temu, inovativnost u pristupu, kreativnost. Odluka komisije je konačna. Organizator nije obavezan dati komentar ili razlog ukoliko ne odabere ideju za sudjelovanje na Festivalu.

Član 6.

Sve prijave moraju sadržavati sljedeće:

- Odgovarajuće popunjen prijavni obrazac

Član 7.

Organizator zadržava pravo da koristi sav materijal, uključujući odabrane ideje i producirane filmove, u promotivne svrhe. Organizator ne snosi nikakvu odgovornost za bilo kakve nepreciznosti u objavljenim informacijama o filmu, ukoliko se takve nepreciznosti pojavljuju u materijalu podnesenom u okviru prijave.

Član 8.

Nakon Festivala, producirani filmovi će biti dio paketa filmova dostupnog svim srednjim školama na području Bosne i Hercegovine za interno prikazivanje bez naknade. Prihvatajući sudjelovanje na Festivalu, Sudionik daje dozvolu da njegov/njen film bude dio gore spomenutog paketa filmova bez naknade.

Član 9.

Sudjelovanje na Festivalu srednjoškolskog kratkog filma Sarajevo pretpostavlja prihvaćanje svih gore navedenih odredbi, kao i Uvjeta za prijavljivanje ideja.

UVJETI ZA PRIJAVLJIVANJE IDEJA - KRATKI FILM

Član 1.

U razmatranje za ulazak u selekciju ovog programa mogu ući samo prijave koji ispunjavaju sljedeće uvjete:

- Ideja za film je u skladu s temom festivala
- Ideju zajedno prijavljuju jedan učenik i jedan profesor iz iste srednje škole iz Bosne i Hercegovine, koji čine Ekipu filma
- Prijavni obrazac je pravilno i pravovremeno popunjen

Član 2.

Ekipa filma dužna je biti prisutna na Festivalu, sudjelovati na festivalskim aktivnostima i predstaviti film publici. Organizator se obavezuje da će pokriti troškove puta i smještaja za dvije noći za Ekipu filma.

Ukoliko imate dodatnih pitanja, molimo da se obratite na e-mail adresu: info@britishcouncil.ba